

**KULTURA ARTEKO HEZKUNTZA**
UNITATE DIDAKTIKOAK**4.2.3 Ipuinak asmatu gelan kontatzeko****Sarrera**

"Madlenka" ipuinak aukera ezin hobe eskaintzen du beste kultura batzuetarako hurbilketa egiteko. Madlenka neska bat da, hortz bat mugitu egiten zaio eta auzoko jende guztiari kontatu nahi dio. Auzo horretan, hainbat herrialde eta kulturatako pertsonak bizi dira eta "oparia" egingo diote. Haurrengandik oso gertu dagoen egoera batetik abiatuta, mundua ezagutzeko aukera dauka Madlenkak etxearen inguruan.

Helburuak:

Beste kultura batzuetarako hasierako hurbilketa egitea, eta horien ezaugarri batzuk ezagutzea.

Edukiak:**Kontzeptuak:**

Narrazioa
Kulturak
Hizkuntzak. Agurtzeko moduak.
Kontinenteak.

Prozedurak:

Beste kultura eta herrialde batzuei buruzko informazioa bilatzea.
Irudia kontuan hartuta, istorioa asmatzea.
Herrialdeak mapan kokatzea.

Jarrerak:

Beste herrialde eta kultura batzuekiko interesa.

Materiala:

Sis, Peter. Madlenka. Lumen.
Ipuinean agertzen diren kulturetako irudien koloretako fotokopiak.
Honako helbide honetan, irudi animatuetan, ipuinaren zati bat topa dezakezue:
http://www.petersis.com/content/madlenka_ex.html



Garapena:

OHARRA:

Gaztelaniaz zein euskaraz egin daiteke. Ipuinaren itzulpena fitxategi honetan dago: [madlenka](#)

1.- Irakasleak ipuina ahots gora irakurriko du.

Komentatu ipuina denen artean, eta elkarrikketa sortu:

- a. Lehen hortza erortzean zer sentitzen zuten, etxean zerbait berezia egiten duten, kontatzeko gogo piztu zitzaaien al ez...
- b. Zergatik esan ote du Madlenkak bira eman diola munduari? Non ibili da? Norekin egin du topo?
Gogoratu ipuineko pertsonaiak eta herrialdeak. Idatzi koadernoan.
- c. Nola agurtu dute Madlenka pertsonaiek? (Goian aipatutako web helbidean bada lan txiki bat pertsona, herrialdea eta hizkuntza lotzeko. Ingelesez dago baina erraz uler daiteke) Agurrak gehitu koadernoan lehen idatzitako informazioari.
- d. Ipuinean agertzen diren herrialdeak. Honako galdera hauek egin daitezke:
Zer dakigu guk herrialde horiei buruz? Marrazkiek informazioa eman al digute?

2.- Lehen orrialdean agertzen den eredu kontuan harturik, ikasle bakoitzak bere aurkezpena egin dezake, ereduari jarraituz, hitz generikoa ordezkatzuz:

"Unibertsoan, planeta batean, kontinente batean, herrialde batean, hiri batean, eraikin batean, etxebizitza batean, leiho batean, euripean Madlenka izeneko neska txiki bat..."

"Unibertsoan, Lurrean, European..."

2.- Aztertu herrialdeei buruz ematen den informazioa. Arbelean taula batean jar daiteke (informazio ezaguna eta berria bereiz daiteke).

3.- Proposatu ikasleei, kulturetako irudietan oinarrituta, taldeka istorio bat idaztea. Kulturak aukeratu. Eman talde bakoitzari irudiaren kopia eta lagundu irudi bakoitzean agertzen diren elementuak identifikatzen.

4.- Istorioak idatzi, zuzendu eta saio berezi batean irakurriko dira, irudiak aurrean izanda.